

Dženana Begić, Ilda Berberović
J.U. Opća bolnica "prim. dr. Abdulah Nakaš", Sarajevo (BiH)
dzanab86@gmail.com

Bolnička banka krvi, mjesto i uloga medicinske sestre u vanrednim situacijama (POSTER)

Uvod: Funkcioniranje bolničke banke krvi (BBK) u vanrednim situacijama i katastrofama (prirodnog ili ljudskog porijekla) može biti kompromitirano zbog nedovoljnog broja uposlenika koji rade u BBK, nedostatka (pripravaka) krvi, opreme, reagenasa, energenata i drugih razloga. Dobro educirana i za rad u vanrednim situacijama, osposobljena medicinska sestra, uposlenica u BBK ima veliku ulogu u prevazilaženju svih problema u funkcioniranju službe, vezane za pravovremeno, adekvatno i sigurno liječenje povrijeđenih i oboljelih pacijenata sa krvi i krvnim pripravcima.

Cilj: Opisati i naglasiti značaj, mjesto i ulogu medicinske sestre u rješavanju problema, funkcioniranju BBK u vanrednim situacijama.

Metoda rada: U radu su opisane mjere i postupci koje su u skladu sa svojim nadležnostima primjenjivale medicinske sestre na poslovima vezanim za BBK u J.U. Općoj bolnici „Prim.dr. Abdulah Nakaš“, Sarajevo u periodu od 2017.-2020. godine u vanrednim situacijama. Vanrednom situacijom u ovom radu smatrano je svako izdavanje krvi i krvnih pripravaka u kratkom vremenskom periodu, 10 ili više jedinica krvi (pripravaka) za jednog pacijenta a kada je u BBK bila prisutna samo jedna medicinska sestra.

Rezultati rada: U posmatranom periodu najviše krvi i krvnih pripravaka izdato je Odjeljenju hirurške intenzivne njege, 1300 doza (krvi/pripravaka), privatnoj zdravstvenoj ustanovi, „Centru za srce, Sarajevo“, 1030 doza, Odjeljenju za ortopediju, 838 i Odjeljenje za internističku intenzivn njegu, 754. Bez obzira na nedovoljan broj uposlenih, hitnosti transfuzija, potrebnih doza krvi i krvnih pripravaka, niti jedan pacijent nije stradao i nije bilo pogoršanog zdravstvenog stanje pacijenata zbog nepravovremene, neadekvatne ili nesigurne transfuzije krvi.

Zaključak: Planovi i pripreme bolnice za funkcionisanje u vanrednim situacijama, podrazumjevaju edukaciju i odgovarajući trening svih uposlenika uključenih u proces transfuzije krvi. Dobro educirana, osposobljena i za rad motivisana medicinska sestra, uposlenica koja je vezana za BBK ima veoma važnu ulogu u transfuzijskom liječenju pacijenata, posebno u vanrednim situacijama.

KLJUČNE RIJEČI: BBK, medicinska sestra, vanredne situacije